

代州志卷十二

記三

大事記

趙襄子姊前為代王夫人。簡子既葬，未除服，北登夏屋，請代王使廚人操銅料以食代王及從者，行斟，陰令宰人各以料擊殺代王及從官，遂與兵平代地。其姊聞之，泣而呼天，摩笄自殺。代人憐之，所死地名之為摩笄之山。史記趙世家案六國表事在周定王十二年。張儀傳云昔趙襄子嘗以其姊為代王妻，欲并代，約與代王遇於句注之塞，乃令工人作金斗，長其尾，令可以擊人。與代王飲，陰告廚人曰：『即酒酣，樂進熱啜，反斗以擊之。』於是酒酣，樂進熱啜，廚人進斟，因反斗以擊代王，殺之。王腦塗地，其姊聞之，因摩笄以自殺。故至今有摩笄之山。

代州志

記三

卷十二

大事記

漢高祖七年，韓王信反，及冒頓謀攻漢，匈奴使左右賢王將萬餘騎，與王黃等屯廣武，以南至晉陽，與漢兵戰，漢大破之。上從晉陽乘勝逐北，遂踰句注，至平城，為匈奴所圍，七日，然後解。漢書韓王信傳，婁敬傳。

文帝後六年冬，以故楚相蘇意為將軍，軍句注。漢書本紀。

建武七年，詔將軍杜茂引兵北屯田，晉陽廣武。十二年，發邊卒築亭堠，修烽火，茂建屯田，驢車轉運，供養軍士。後漢書杜茂傳，時盧

芳與匈奴連兵數寇邊也。

建武二十六年，發遣邊民在中國者，布還諸縣。後漢書光武帝紀。

案光武紀九年，徙雁門吏人於太原。十五年，徙雁門代郡。

上谷三郡民置常山關居庸關以東至是年南單于遣子入侍始復置郡邊民皆歸本土東觀記言城郭卽墟掃地更爲是也雁門郡自善無縣移治陰館廣武縣自太原郡改屬雁門並當在此時故記之以著更革之迹而以前史所言雁門事皆不徵及

永平中以鄧鴻爲將兵長史率五營士屯雁門後漢書鄧禹傳

永初三年南單于檀反遼東太守耿夔率鮮卑及諸郡兵屯

雁門後漢書耿弇傳九月雁門烏桓及鮮卑叛敗五原郡兵於高渠

谷安帝紀

延光元年十月鮮卑寇雁門遂攻太原掠殺百姓後漢書鮮卑傳

代州志 記三 卷十二 大事記 二

建康元年九月丙午雁門地震後漢書順帝紀

延熹二年二月鮮卑入雁門殺數百人大抄掠而去鮮卑傳

熹平六年八月遣中郎將臧旻與南單于出雁門伐鮮卑後漢書靈

帝紀

魏黃初元年移雁門郡南度句注治廣武城太平寰宇記

太和二年護烏桓校尉田豫出塞爲軻比能圍於故馬邑城

雁門太守牽招勒兵赴救軍到平城寇胥潰散比能復大合

騎來平州塞北招潛行撲討大斬首級魏志牽招傳

青龍元年六月保塞鮮卑大人步度根與叛鮮卑大人軻比

能私通并州刺史畢軌表輒出軍以外威比能內鎮步度根

帝省表曰步度根已為比能所誘有自疑心今軌出軍適使二部驚合為一何所威鎮乎促勅軌已出軍者慎勿越塞過句注也此詔書到軌已進軍屯陰館魏志明帝紀鮮卑傳文帝時以步度根部眾稍寡弱將其眾萬餘保太原雁門郡至此比能誘步度根使叛并州與結和親自將萬騎迎其累重於陜北晉咸甯三年五月辛卯雁門雨雪傷秋稼晉書五行志

四年六月丁未廣武地震甲子又震同上

太康元年五月雁門雨雪傷麥禾三豆同上

六年六月雁門雨雪同上

元康五年九月雁門新興大風傷禾稼惠帝紀

永興二年白部大人叛入西河鐵弗劉虎舉眾於雁門以應

代州志 記三 卷十二 大事記 三

之攻新興雁門二郡劉琨乞師於猗盧大破白部次攻劉虎

屠其營落虎收其餘燼西走渡河魏書穆帝紀北史劉武南單于之苗裔左賢王去

卑之孫居於新興慮虜之北北人謂胡父鮮卑母為鐵弗因以為號

拓拔猗盧封代公以封邑去國懸遠從劉琨求句注陜北之

地琨乃徙馬邑陰館樓煩繁峙崞五縣之民於陜南更立城

邑魏書穆帝紀

永嘉五年雁門烏丸反劉琨率精兵出禦之劉聰遣子粲及

令孤泥乘虛襲晉陽琨父母并遇害晉書劉琨傳

咸和三年石勒將石他自雁門出上郡襲安國將軍北羌王

盆句除俘三千餘落獲牛馬百餘萬而歸晉書劉曜載記魏書煬帝紀那紀

是歲石勒遣石虎率騎五千來寇邊部
帝禦之於句注陞北不利遷於大甯

永和二年石虎遣征北張舉自雁門討索頭郁鞠克之晉書石季

龍載記

後魏皇始元年八月大舉討慕容寶帝親勒六軍四十餘萬
南出馬邑踰句注旌旗絡繹二千餘里鼓行而前人屋皆震

魏書太祖紀

天賜四年五月增置侍官侍直左右出納詔命以雁門郡民

中年長有器望者充之魏書官氏志

泰常三年八月雁門大雨水傷稼復其租稅魏書世祖紀

四年四月辛巳南巡幸雁門賜所過無出今年租賦同上

代州志 記三 卷十二 大事記 四

八月辛未幸代至雁門關望祀恆岳魏書禮志

五年八月雁門太守祝阿侯梁越獲白雀以獻魏書儒林傳

八年閏月辛酉幸晉陽五月丙寅還次雁門皇太子率留臺

王公迎於句注之北世祖紀

始光二年雁門太守平舒侯許洛陽家三生嘉禾皆異畝合

穎太武嘉之進爵北地公北史許謙傳

太延元年八月雁門獻白鼠魏書靈徵志

太平真君八年五月雁門郡獻白雀同上

和平二年十一月雁門泉水穿石湧出

延興四年五月雁門崎城有聲如雷自上西引十餘聲聲止

地震魏書靈徵志

太和十一年二月甲子肆州之雁門民饑詔開倉振恤

閏月癸亥帝次句注陘南皇太子朝於蒲池並魏書高祖紀

延昌元年四月庚辰肆州之秀容雁門地震陷裂山崩泉湧

魏書世宗紀

移雁門郡置於廣武東古上館城太平寰宇記明帝時

天平三年八月肆州霽霜大饑四年春詔所在開倉振恤北史

東魏帝紀

北齊河清三年周師及突厥至并州帝親御戎軍容甚整突

厥咎周人曰爾言齊亂故來伐之今齊人眼中亦有鐵何可

代州志 記三 卷十二 大事記 五

當也乃還至陘嶺凍滑鋪氈以度胡馬寒瘦膝以下皆無毛

比至長城死且盡乃截稍杖之以歸北史趙郡王高琛傳

入境代忻二牧悉是細馬合數萬匹在五臺北柏谷中避賊

賊退敕建送馬定州付人養飼突厥傳周武帝初詔隋公

楊忠率眾一萬與突厥伐齊忠軍度陘嶺俟斤率騎十萬來

會明年正月攻晉陽不克楊忠傳保定三年忠出武川饗

將士席卷二十餘鎮齊人守陘嶺之隘忠縱奇兵奮擊大破之留楊纂屯靈州突厥以十萬騎來會

武平末并肆諸州多狼而食人五行志

後周大象元年自九原城移肆州於雁門郡元和郡縣志

詔大司徒于栗翼巡長城立亭障西自雁門東至碣石創新

改舊咸得其要北史于栗翼傳

隋開皇五年改肆州為代州元和郡縣志

十八年改廣武縣為雁門縣。同上。

仁壽元年突厥達頭可汗犯塞代州總管韓洪拒之遇虜於恆安眾寡不敵洪四面搏戰身被重創將士沮氣虜悉眾圍之矢下如雨洪偽與虜和圍少解率所領潰圍而出死者大半殺虜亦倍洪坐除名。隋書韓洪傳

四年六月庚申長人見於雁門。隋書高祖本紀

雁門宋谷村有婦人生一肉卵大如斗埋之數日後埋處雲霧晝合從地雷震而上視之洞穴矢卵所在。五行志

代州總管府內井中甃上生花如蓮并有龍見時變為鐵馬甲士彎弓上射之象又有神人長數丈見於城下其迹長四

代州志 記三 卷十二 大事記 六

尺五寸。李景傳

八月漢王諒反代州總管李景為諒將喬鍾葵所圍詔朔州總管楊義臣救之與景合擊大破之。楊義臣傳

大業元年雁門人方回安母年百歲額上生角長二寸。五行志

雁門百姓間犬多去其主羣聚於野形頓變如狼而噉噬行人數年乃止。同上

四年燕代緣邊諸郡旱時發卒百餘萬築長城帝親巡塞表百姓失業道殣相望。同上又十三年天下大旱時郡縣鄉邑悉遣築城男女無少長皆就役

六年六月壬辰雁門賊帥尉文通聚眾三千保於莫壁谷遣鷹揚楊伯泉擊破之。楊帝紀

「一年八月乙丑巡北塞戊辰突厥始畢可汗率騎數萬謀襲乘輿義成公主遣使告變壬申車駕馳幸雁門癸酉突厥圍城官軍頻戰不利上大懼欲率精騎潰圍而出民部尙書樊子蓋固諫乃止齊王暕以後軍保於崞縣甲申詔天下諸郡募兵於是守令各來赴難九月甲辰突厥解圍而去丁未曲赦雁門郡死罪以下隋書煬帝本紀

十二年正月雁門人翟松柏起兵於靈卽眾至數萬轉攻旁縣同上

十三年劉武周反雁門郡丞陳孝意與虎賁郎王智辨討之戰於下館城敗績俄而武周來攻孤城無援糧盡孝意為校

代州志 記三 卷十二 大事記 七

尉張倫所殺以城歸武周隋書陳孝意傳

唐武德二年突厥始畢自將渡河以五百騎入句注將侵太

原會病死唐書突厥傳

四月劉武周入雁門通鑑

四年二月丁巳赦代州總管府石嶺之北唐書高祖本紀

突厥頡利率萬騎與苑君璋合寇雁門定襄王李大恩擊卻

之突厥傳苑君璋傳劉武周死突厥以君璋為大行臺統

武周部曲與舊將高滿政夜襲代州不克高祖遣使賜鐵

券約不死君璋拒命進寇代州刺史王孝德拒卻之案孝德

與大恩同一事而姓名參錯未審孰是又案本紀武德四年八月突厥寇代州執行軍總管王孝基孝基乃唐宗室永安王也紀脫永安字且據孝基傳事在武德二年呂崇茂據夏縣時非執於突厥也本紀繫之四年又以為在代州誤

五年四月壬申代州總管李大恩及突厥戰死之高祖本紀大恩
歿頡利進擊忻州未得志乃率十五萬騎入雁門圍并州突
傳明年秦王屯并州備虜久乃罷俄又破代地

突厥入寇詔并州總管劉世讓以兵屯雁門唐書列傳劉世讓字元欽京兆

醴泉人武德初從永安王孝基討呂崇茂於夏縣軍敗為所

囚聞獨孤懷恩有逆謀逃還白發之高祖方濟河幸懷恩營

驚曰世讓之來天也因封為宏農郡公母喪起為檢校并州

總管竇建德之援王世充也世讓帥萬騎出黃沙嶺襲沼州

會突厥入寇又詔以兵屯雁門世讓馳騎入百赴之而可汗

軍大至乃保武州高開道苑君璋合眾攻之城數壞輒立柵

完拒鄭元璫先使可汗可汗使來說世讓叱曰大丈夫奈何

為夷狄作說客耶久之虜引去元璫還具道其忠賜良馬金

帶召授廣州總管帝問以備邊策答曰突厥數南寇者恃有

馬邑為地耳如使勇將屯崞城厚儲金帛以招降者數出奇

兵略城下踐禾稼不踰歲馬邑可圖也帝曰非公無可任者

乃使馳驛經略於是世讓至馬邑高滿政以地來降突厥患

代州志

記三 卷十二 大事記 八

之縱反間云世讓與可汗為亂帝不之察因誅之籍其家貞觀初突厥降者言世讓無逆謀乃厚其妻子

八年頡利與代州都督蘭驀戰新城驀敗績攻廣武為任城

王道宗所破突厥傳

長安二年七月甲午突厥寇代州本紀

天寶十四載安祿山反詔朔方節度使郭子儀率本軍東討子儀遂收雲中馬邑開東陁引軍下并陁唐書郭子儀傳

大曆十三年回紇襲振武攻東陁入寇太原代州都督張光晟與戰羊虎谷破之虜乃去唐書回鶻傳

太和四年七月太原饑八月柳公綽奏雲代蔚三州山谷間石化為麩人取食之唐書五行志

會昌二年詔河東節度使劉沔招撫回鶻進屯雁門關虜寇雲州沔擊之斬七裨將敗其眾軍還次代州歸義軍降虜三千使隸食諸道不受詔據滹沱河叛沔悉擒誅之唐書劉沔傳

案唐以前史所云雁門皆指郡縣而言其關則謂之句注

陘嶺陘口西陘以雁門為關名僅魏書禮志及劉沔傳再見而已自北宋與遼於此畫界元並設常郭之縣而關名

獨著今人遂不知大朔寧三郡於古皆為雁門地矣

乾符六年詔昭義節度李鈞為北面招討使督潞州太原兵

屯代州李克用分兵抵遮虜城拒鈞天大雪士瘁仆鈞眾潰

還代州軍遂亂鈞死於兵唐書沙陀傳案五代史唐本紀克用破遮虜軍在乾符五年

代州志 記三 卷十二 大事記 九

廣明元年以李琢為蔚朔招討都統率兵數萬屯代州克用

使傅文達調蔚朔兵朔州刺史高文集縛以送琢琢進攻蔚

州李國昌敗與克用舉宗奔達鞞同上

中和元年陳景思齎詔入達鞞召李克用通鑑考異平巢事蹟考李友金入援

募兵得萬人皆北方雜虜屯於崞西友金誠監軍陳景思曰吾兄司徒父子勇略過人為眾所服請奏天子赦其罪召以為帥則代北之人一麾響應賊不足平也景思乃遣使言之詔如所請拜克用代州刺史忻代

兵馬留後促本軍討賊克用募達鞞萬人趨代州將南道太

原節度使鄭從讜塞石嶺關不得前克用僂道至太原營城

下邀糧貲從讜不答乃大略還屯代州沙陀傳

二年李國昌自達鞞率兵歸代州帝詔克用還朔州於是義

武節度王處存，河中節度王重榮，傳詔招克用討巢。克用喜，即大閱雁門，得忻代蔚朔達鞞眾三萬騎五千而南。於是國昌守代州，帝遣擢克用雁門節度，忻代觀察使。明年收京師，功第一。進平章事，領河東節度，以國昌為代北節度使。同上

鎮表：中和二年，以忻代二州隸雁門節度。更大同節度為雁門節度使。徙治代州。三年，賜雁門節度為代北節度使。

天祐五年正月辛卯，晉王克用卒。子存勳立，葬克用於雁門。

五代史唐本紀：金李汾遠祖雁門武皇，死心唐室。正諸侯鐵馬南來，隘九州當日三垂岡上，意諸孫空抱腐儒羞。史公奕李雁門，天下三分二屬梁。區區獨木欲支唐，錦囊三矢傳遺恨。不教朱三著赭黃，明田中穎李晉王。雁門僕射萬人雄，年少提戈奏戰功。殉國猶延三主祀，精忠不帝一方中。鳳飛金穴空餘井，龍起沙陀舊有弓。縱使後唐非李氏，已酬宿憤

蒼穹

代州志

記三 卷十二 大事記

十

十年，晉軍攻燕，破之。十一年，殺燕王劉守光於太原。晉王命李存霸執守光父仁恭，至雁門，刺其心血以祭先王墓。然後斬之。五代史唐本紀，劉守光傳。

後唐清泰三年八月，契丹主自將援石敬瑭。九月丁酉，入雁門。遼史太宗紀，案是年十一月晉改元天福。

晉開運元年正月，契丹入雁門寇代州。五代史晉本紀，案遼史太宗紀會同七年正月丙子，安端入雁門圍忻代。

九月丙子，代州刺史白文珂及契丹戰於七里烽，敗之。同上

三年，契丹寇瀘州，別遣偉王攻雁門，北平王劉知遠敗之於

秀容。五代史漢本紀。

漢天福十二年武節都指揮使史宏肇取代州殺其刺史王

暉同上案漢承用晉高祖年號以開運四年為天福十二年

周顯德元年五月丙子代州守將鄭處謙叛於漢來附丁丑

置靜塞軍於代州以處謙為節度使丁酉遼南院大王撻烈

援漢敗符彥卿於忻口復所陷城邑五代史遼史

宋開寶八年九月辛巳命忻代行營都監郭進遷山後諸州

民宋史太祖紀鐵圍山叢談太祖親征劉繼筠班師之際

盡徙忻代之民於內地六百里一無人煙蓋使北大軍來則無餉單師至必敗其後

太宗繼伐因一舉而破太平興國四年五月漢雁門節度使劉繼文奔遼六月漢亡

遼封繼文為彭城郡王遼史景宗紀

代州志 記三 卷十二 大事記 十二

五年三月宣徽南院使潘美敗契丹之師於雁門殺其駙馬

蕭咄李獲都指揮使李重誨宋史太宗本紀

七年正月三交行營言潘美敗遼師於雁門破其壘三十六

同上宋史列傳潘美字仲洵大名入太平興國四年為北路都招討判太原行府事部分諸將進討并州遂平命兼三

交都部署留屯以并北邊嘗巡部至代州既秣馬葺食俄而

遼兵萬騎寇近塞美誓眾銜枚奮擊大破之封代國公雍熙

三年詔美及曹彬崔彥進等北伐美獨拔寰朔雲應等州詔

內徙其民會楊業敗於陳家谷坐削秩三等明年復檢校太

師尋判并州加同平章事卒贈中書令諡武惠配饗太宗廟庭後追封鄭王

雁門縣民劉習妻產四男五行志雍熙三年二月以忠武節度使潘美為雲應路行營都部署雲州觀察使楊業副之出雁門三月潘美自西陁入與契丹

兵遇追至寰州破之遼刺史趙彥辛以城降進圍朔州應州並降之四月辛丑克雲州五月曹彬之師大敗於岐溝關召歸闕命潘美還代州徙雲應寰朔吏民分置河東京西會契丹復陷寰州楊業護送遷民遇之苦戰力盡為所擒守節而死宋史太宗本紀楊業傳契丹眾十餘萬復陷寰州業謂美曰今遼兵益盛不可與戰朝廷止令取數州之民但領兵出大石路先遣人密告雲朔州守將俟大軍離代州日令雲州之眾先出我師次應州契丹必來拒即令朔州民出城直入石碣谷遣強弩千人列於谷口以騎士援於中路則三州之民保萬全矣王侁沮其議曰領數萬精兵而畏懦如此但趨雁門北川中鼓行而往劉文裕亦贊之業曰不可此必敗之勢也侁曰君侯素號無敵今見敵逗撓不戰得非有他志乎業曰業非避死蓋時有未利徒令殺傷士卒而功不立今君責業以不死當為諸公先將行指陳家谷口曰諸君於此張步兵強弩為左右翼以援俟業轉戰至此即以步兵夾擊之不然無遺類矣美即與侁領麾下兵陣於谷口自寅至代州志

記三 卷十二 大事記 三

已侁使人登託邏臺望之以為契丹敗走欲爭其功即領兵離谷口美不能制乃緣交河西南行二十里聞業敗即麾兵卻走業力戰至暮果至谷口望見無人即拊膺大慟率帳下士力戰馬重傷不能進遂為契丹所擒不食死子延玉亦歿焉

七月丁亥以簽署樞密院事張齊賢為給事中知代州十二月代州副都部署盧漢贇敗契丹於土鎧堡斬獲甚眾殺監軍舍利二人同上案齊賢既敗遼師奏捷歸功於漢贇詳宦績記

端拱三年九月知代州李允正獻嘉禾穗一匣宋史五行志

至道二年口月代州風雹傷田稼同上

景德四年滅并代兵屯河東以省饋運宋史真宗本紀

大中祥符二年三月代州地震五行志

景祐四年十二月甲申忻代并三州地震壞廬舍壓覆吏民
代州死者七百五十九人遣使撫存其民賜死傷之家錢有
差同上

寶元元年正月庚申并忻代三州地震詔轉運使提舉刑獄

按所部官吏除壓死民家去年秋糧宋史仁宗本紀蘇紳傳為開封推官時并代

地震方春而雷詔求直言紳上疏極言時事程戡傳寶元初忻代地震壞城郭廬舍死傷甚眾命戡安撫頗以便宜從事

慶厯六年七月丁亥河東大雨壞忻代等州城壁五行志

至和二年韓琦知并州契丹侵耕陽武砦地琦鑿塹立石以

限之始潘美鎮河東令民悉內徙而空塞下不耕於是忻代

代州志 記三 卷十二 大事記 三

甯化大山之北多廢壤琦以為此良田今棄不耕適足以資

敵遂請距北界十里為禁地其南則募弓箭手居之墾田至

九千六百頃宋史韓琦傳

治平二年唐介知太原府夏人數擾代州邊多築堡境上介

悉遣兵撤移諭以利害遂不敢動宋史唐介傳

熙甯七年遼以兵二十萬壓代州境請代地宋史許將傳

四月遼遣樞密副使蕭素來議疆界於代州境上十月壬申

詔韓琦富弼文彥博曾公亮條代北事宜以聞宋史神宗本紀

八年七月命韓縝如河東割地與契丹以黃崑山分水嶺立

新疆東西失地七百里本紀劉庠傳長編熙甯七年沿邊增修戍壘起鋪舍雁門以北稍侵

入蔚應朔三州界遼遣使來言疆事詔太常少卿劉惓境上
會議八年春遣使蕭禧來會於大黃平議不能決初遼指蔚
應朔分水嶺土壠為界及行視無土壠乃曰但以分水嶺為
界凡山皆有分水無可指據遼復遣蕭禧來致圖書詔知開
封府韓縝代惓復遣知制誥沈括先報聘括詣樞密院閱故
牘得頃歲所議疆事書指石長城為界去今所爭黃鬼山三
十餘里言之帝喜曰大臣殊不究本末幾誤國事括至遼
相楊益戒來就議括得地訟之籍數十以應之遼知不可奪
遂舍黃鬼而以天池請括還王安石進曰將欲取之必固與
之於是詔縝割地界遼東西失地凡七百里其後遼包取兩
不耕地下臨雁門遂起用兵之釁時提點河
東刑獄蔡廉上言不可失要險起寇心不聽

詔忻代州諸砦以禁軍代廂軍兵志

元豐四年代州禾合穞五行志

元祐二年二月辛亥代州地震同上

三年代州禾合穞同上

代州志 記三 卷十二 大事記 四

建中靖國元年十一月辛亥代石嵐等州地震彌旬晝夜不

止壞城壁屋宇人畜多死同上

宣和七年十二月戊申金宗翰陷代州沿邊安撫副使史抗

力戰死金史太宗紀 宋史忠義傳

金天會四年賊楊麻胡等聚眾數千於五臺代州鎮將郭企

忠與同知州事迪里討平之金史郭企忠傳

六年置震武軍節度使金史地理志

大定十八年代州立監鑄鐵命震武軍節度使李天吉知保

德軍事高季孫往監之以所鑄錢斑駁黑澁不可用詔削天

吉季孫等官兩階解職仍杖季孫八十更命工部郎中張大

節吏部員外郎麻珪監鑄其錢文曰大定通寶金史食貨志

二十年名代州監曰阜通設監一員正五品以州節度兼領

副監一員正六品以州同知兼領丞一員正七品以觀察判

官兼領設尙當官二員從八品給銀牌命副監及丞更馳驛

經理同上

二十二年十月以參知政事粘割幹特刺提控代州阜通監

召見諭之曰朕自任卿以來悉卿材幹故擢為執政卿亦體

朕待遇之意能勉盡所職凡謀議奏對多副朕心莫倚上有

宰相而自嫌外蓋舊人年老新人未苦經練是以委責於卿

但有所見悉心以言勿持嫌以為不知也金史粘割幹特刺傳

代州志 記三 卷十二 大事記 五

二十九年十二月雁門五臺民劉完等訴自鑄錢以來有銅

鑛之地雖曰官運其願直不足則令民共償乞與本州司縣

均為差配遂命甄官署丞丁用楫往審其利病還言所運銅

鑛民以物力科差濟之非所願也其願直既低又有刻剝之

弊而相視苗脈工匠妄指人之垣屋及寺觀謂當開採因以

取賄又隨冶夫匠日辦淨銅四兩多不及數復銷銅器及舊

錢送官以足之今阜通利用兩監利用監在曲陽歲鑄錢十

四萬餘貫而歲所費乃至八十萬貫病民而多費未見其利

便也宰臣以聞遂罷代州曲陽二監食貨志

大安三年十一月元兵拔忻代金史衛紹王紀元史抄思

傳太祖時從征伐破代石

州不避矢石每先登焉雁門之戰屢捷

貞祐二年僑置西面經略司於代州金史地理志

提控太和嶺諸隘副統李鵬飛誣殺彰國軍節度使牙改詔

震武軍節度使完顏伯嘉治之金史完顏伯嘉傳

四年河東行省胥鼎奏完顏伯嘉屢言同西京留守兼臺州

刺史完顏琢可倚以復山西朝廷遷官賜姓令屯代北扼太

和嶺今聞諸隘悉無琢兵蓋琢挾太原之眾保五臺剽掠耳

如尙以伯嘉之言為可信乞遣琢出太原或徙之內地分處

其眾以備不測之變宰臣奏已遣官體究且令太原元帥府

烏古論德升召琢使之矣當以此意報鼎無何德升奏琢兵

代州志 記三 卷十二 大事記 六

數萬分屯代州諸隘拒戰甚力其眾烏合非琢不可制胥鼎

復奏宣差提控古里甲石倫言琢招降人謀復山西盤桓於

忻代定襄間恣為侵擾無復行意發掘民粟戕殺無辜雖曰

不煩官廩博易為名實則攘劫欺國害民無如琢者宰臣奏

所遣官自忻代來云不見劫掠之迹惟如德升言便從之同上

九月壬辰元兵攻代州經略使奧屯醜和尙戰沒十二月壬

申元兵進自代州神仙橫城及平定承天鎮諸隘攻太原府

金史宣宗紀

興定元年二月己未元兵徇忻代同上

二年八月元木華黎帥步騎數萬自太和嶺徇河東乙卯元

兵吹代州。同上。元史穆呼里傳辛巳復由雲中。歷太和塞入葭州。案辛巳為金興定五年。

十月甲子詔河東北路忻代諸州並受嵐州帥府節制。同上。

元中統二年詔太原路萬戶鄭鼎統征西等軍戍雁門關隘。

元史列傳鄭鼎澤州陽城人幼孤能自立讀書曉大義既長

勇力過人初為潞澤遠沁千戶屢立戰功中統元年遷平陽

太原兩路萬戶詔率征西等軍戍雁門關隘遷河東南北兩

路宣撫使後鎮鄂州戰於樊口舟覆溺死贈尚書右丞諡忠毅追封鄭國公

四年併雁門縣入代州。地理志

至元三年七月己未以崞代堅臺四州隸忻州。世祖本紀

十八年四月甲午自太和嶺至別十八里置新驛三十。同上

大德五年興屯田於太和嶺之間分山陰雁門馬邑鄯陽洪代州志

記三 卷十二 大事記 七

濟金城甯武七屯。元史食貨志

九年四月甲辰樞密院臣言太和嶺屯田舊置屯儲總管府專督其程人給地五十畝歲輸糧三十石或他役不及耕作

者悉如數征之人致重困乞令軍官統治以宣慰司玉龍失

不花總其事視軍民所收多寡以為賞罰從之。成宗本紀

至治二年五月大同路雁門屯田旱損麥。英宗本紀 經世大典中田侍衛屯

大同之平地朔州之馬邑一千人二千頃樞密院所轄又腹裏所轄有大同屯儲府大同山陰縣九千九百人田五千頃

致和元年八月丙申以西安王令遣隆鎮衛指揮使幹都蠻

將兵屯太和嶺。泰定帝紀 時帝崩西安王阿剌特納失里迎文宗於江陵防上都諸王也

天歷元年九月。是月改元丁亥令冀甯所轄代州之雁門關崞州

之陽武關皆穿塹壘石為固調丁壯守之文宗本紀

後至元元年十二月加封滹沱河神為昭佑靈源侯順帝本紀

至正十八年二月田豐掠雁門同上字羅帖木兒傳賊分

雲中雁門代郡烽火數千里

十九年二月李羅帖木兒過代州收山東潰將孟本周諸軍

明年七月敗田豐偽將張士誠於臺州字羅帖木兒傳本紀二十年七月辛酉

字羅帖木兒敗張士誠於臺州詔總領達達漢兒軍馬各總兵官仍便宜行事八月戊子命守石嶺關以北

明洪武元年擴廓帖木兒引兵出雁門將由居庸以攻北平

徐達常遇春乘虛擣太原擴廓至保安還救達選精兵夜襲

其營擴廓以十八騎遁去盡降其眾明史徐達傳擴廓帖木兒傳

代州志 記三 卷十二 大事記 六

二年詔山西都尉於雁門關太和嶺并武朔諸山谷間凡七

十三隘俱設戍兵明史兵志

偏將軍李文忠出雁門次馬邑敗元游兵擒平章劉帖木李文

忠傳

四年延安侯唐勝宗吉安侯陸仲亨並以指揮使捕代縣反

者明史列傳時代州於二年改縣

五年置振武衛兵志

六年潁川侯傅友德出雁門為前鋒獲元平章鄧孛羅帖木

兒傅友德傳

建文二年燕山右護衛百戶王真下廣昌循雁門王真傳

正統十四年也先入寇留代州五日通志

景泰元年五月乙巳瓦剌掠河曲代州遂南犯詔劉安督涿

易諸軍禦之戊申瓦剌寇雁門明史帝紀通志景泰元年也先數萬騎攻雁門都指揮

李端擊卻之復侵關南端力拒不得過尋由義井堡圍忻代

諸州石亨等不能禦長驅抵太原城下山西大震命巡撫朱

鑑移鎮雁門而別遣都督僉事王良

鎮太原援兵漸集寇亦饜乃引去

刑部右侍郎江瀾督修雁門關通志

天順四年秋孛來大舉入寇大同右都督李文按兵不戰遂

入雁門大掠忻代諸州京師震恐寇退徵文下詔獄論斬帝

宥文死降都督僉事明史李英傳

八月都督顏彪馮宗屯雁門關通志

代州志 記三 卷十二 大事記 九

成化元年山西告警拜都督僉事趙勝為將軍次雁門寇已

退乃還明史孫鐘傳通志是年火節至偏關之楊勉堡

二年十月大雪人相食周志

六年六月大雨五日水漲高數丈同上

十三年正月甲子代州無雲而雷明史五行志

十九年火節自馬峪口入大同西路參將劉甯戰於牛心山

敵遂退周志參明史劉甯傳案通志載成化八年九月火節自馬峪口入周志係之十九年吳志謂明史成化

中無火節寇代州事而又以明人記時事傳聞或不失實仍

從周志今考馬峪口即馬蘭口寰宇記覆宿山一名牛心山

並在州東北蓋敵甫入口即為劉甯所敗未嘗南犯也明史

紀傳互見周志為有徵矣特語焉不詳遂滋後人之疑耳

二十年五月甲寅代州地七震明史五行志周志是年春夏不雨人食草木

二十三年設雁平道駐代州周志明史職官志誤雁平為雁北

正德八年黑昏見家擊銅器以防五晝夜乃止周志

十三年十二月十九日日暈三環同上

十四年大有年同上

十六年黑風蔽日晝晦同上

舊志所載正德中兵事皆甯武朔州地不備書

嘉靖六年春旱夏無麥苗七年又旱周志

是年春大疫秋南北山多虎豹噬樵採者冬十月十二日流

星隕光燭地有聲墜而復起入斗口至日出方滅同上

九年春夏大疫同上

代州志 記三 卷十二 大事記 辛

十九年都御史劉臬疏請城雁門隘塞三百里通志

二十年俺答由代州至太原通志明史本紀八月俺答阿

卿副都御史翟鵬理軍務禦之辛亥俺答犯山西入石州十月癸丑振山西被寇者復徭役

二十一年六月辛卯俺答寇朔州壬寅入雁門關丁未犯太

原八月壬午振山西被兵州縣免田租明史世宗本紀外

州抵廣武由太原南下汾沁皆殘破復從忻崞代而北參將周世忠力戰見殺遂從雁門故道去

詔宣大總督翟鵬節制三關通志明史翟鵬傳鵬總督宣

分守增游兵三支分駐雁門甯武偏頭三關寇攻牆戍兵拒游兵出關夾攻此守中有戰也

二十二年俺答入代州至太原通志

二十五年宣大總督翁萬達大修雁門長城自老營堡了角

山至平刑關東鑿堦添墩八百餘里明史翁萬達傳

三十一年九月乙酉俺答犯山西三關明史本紀

三十二年九月丙午俺答犯廣武巡撫都御史趙時春敗績

總兵官李涑參將馬恩等力戰死同上通志趙時春率親

兵李涑乘勝入敵伏中與其子松死之遂侵忻崞歸又以兵

邀之案明史達鞞傳云俺答駐鄜延二十日久雨乃去未幾

復以萬騎入大同縱掠至八角堡巡撫趙時春禦之遇敵於

大蟲嶺總兵李涑戰死軍覆時春僅以身免云云與通志戰

於代州東十里鋪不合

三十四年冬地大震周志

三十八年春大旱夏大水上曲村地拆丈餘泉出如湧上有

五色雲煙同上

代州志

記三 卷十二 大事記 三

三十九年五月壬午振山西三關饑明史本紀

九月己巳俺答犯朔州廣武同上

四十年入代州破西郭焚之代嬰城自守周志武舉王光先戰死

是年大旱斗米銀二錢五分餓死者枕藉道左同上

四十一年寇入代州平城堡同上

隆慶元年九月俺答破石州遊騎入忻崞代州戒嚴同上

三年六月大雨雹大風拔木同上

萬曆四年旱同上

九年春夏大疫同上

十二年有年同上

三十三年巡撫李景重築雁門關邊牆縣互十五里通志

國朝天聰八年明崇禎七年七月

大兵至廣武明史曹變蛟傳七月北援遇大兵廣武有戰功

九年八月

大兵由朔州毀甯武關入略代忻聖武記秋大兵平察哈爾旋師

略朔州直抵忻代守將屢敗總督楊嗣昌遣副將自代州往偵亦敗走

崇德七年明崇禎十五年十月

大兵右翼自雁門關黃崖口入聖武記

順治元年九月

大兵克太原賊將陳永福遁山西略定聖武記通志是年二月間賊至忻州官民

代州志

記三卷十二

大事記

三

迎降遂攻代州總兵周遇吉出奇奮擊連戰十餘日殺賊萬餘賊合諸路賊進攻遇吉兵少食盡退守甯武關

五年十二月大同叛將姜瓖使其黨陷忻州劉遷略雁門關

陷繁峙進圍代州以應之聖武記參吳志案賊惟陷繁峙記謂代州五臺悉為所陷誤

六年正月敬謹郡王尼堪敗賊石嶺關遣師援代州劉遷伏

誅賊平聖武記參吳志

康熙三年地震通志

六年七月裁雁平兵備道十年四月復設吳志

十八年大旱同上

十九年饑春夏大疫同上以下並見吳志不備注

二十二年十月初五日地震壞廬舍人民壓死者眾

二十九年饑

四十八年秋大雨雹傷禾稼

雍正二年升代州為直隸州

四年裁振武衛入州

乾隆十年旱

二十四年三月大風晝晦五月地震是年旱饑斗米銀八錢

二十六年有年

三十九年九月日暈三環

四十一年秋峪口河溢沙窰村田廬多塌沒知州施敬勝捐

振災民每口給米二斗

代州志

記三 卷十二 大事記

三

四十二年大雨六日水漲數尺

四十三年七月二十七日隕霜八月朔雨雪

五十年六月大雨五日山水暴發坍沒民田奉

旨分別振恤豁免地丁銀米州册

五十一年饑知州王秉韜設粥廠濟貧民並勸士紳出粟助

振採訪册州民祁丕昭出粟三十餘石振饑

嘉慶十七年秋旱無禾採訪册

二十五年七月大雨傷稼採訪册

道光十二年七月旱蝗採訪册州人柳森趙光祖閻象恆楊萬魁劉錫齡張恆並捐錢粟振饑

二十六年六月十九日地震七月二十一日雨雹採訪册

咸豐八年七月疫採訪冊

同治元年七月疫採訪冊

六年六月大雨羊頭河暴漲壞民廬舍採訪冊

光緒三年關北諸村秋旱傷稼奉

旨分別振恤豁免地丁錢糧是歲省南大饑州人輸銀八千五

百六十五兩助振州冊劉永吉銀一千八百兩賈作楨弟作楫作舟銀一千二百五十兩周琮銀一千

兩劉清和堂銀六百兩劉廷聘銀五百兩當行銀六百兩王必銀二百六十兩王仁義堂銀二百兩柳瑾銀一百六十兩

劉廷相銀一百三十兩劉創裕謝安安生財銀各一百兩劉致祥王清瑞閣如陵張履亨王承祐李敦崇堂王紅喜劉佐

馮三重張文明張會文張大文董桂芳董桂華張福王仁善堂趙撫謙喬誥郝萑張存智馬德潤王侃高懷忍堂柳恭孔

繼周張天元郎攀龍郎映辰趙三祝姚儒珪劉慶德梁廷龍侯鐸溫汝直賈掄元賈懷德各銀數十兩不等

代州志 記三 卷十二 大事記 五

四年六月大雨雹七月水峪河暴漲壞民廬舍奉

旨普免本年地丁錢糧州冊

記四

雜記

度遼將軍皇甫規解官歸安定鄉人有以貨得雁門太守者亦去職還家書刺謁規規臥不迎既入而問卿在郡食雁美乎有頃又白王符在門規素聞符名乃驚遽而起衣不及帶屣履出迎接符手而還與同坐極歡時人爲之語曰徒見二千石不如一縫掖後漢書王符傳

後魏太祖天興四年春新興太守上言晉昌民賈相昔年二十二爲雁門郡吏入句注西陁見一老父謂相曰自今以後四十二年當有聖人出於北方時當大樂子孫永長吾不及代州志

記四

卷十二

雜記

三

見之言終而過相顧視之老父化爲石人相今七十下檢石人見存至帝破慕容寶之歲四十二年魏書靈徵志

元悅陳留王虔子也爲左將軍襲封姚興之贖狄伯支悅送之路由雁門悅因背誘姦豪以取其意後遇事譴逃亡投雁門規收豪傑欲爲不軌爲土人執送帝恕而不罪明元卽位引悅入侍仍懷姦計說帝云京師雜人不可保信宜誅其非類者又云雁門人多詐并可誅之欲以雪其私忿帝不從悅自疑懼謀逆賜死魏書陳留王虔傳

茹皓吳人也魏宣武踐阼直禁中被寵接授左中郎將皓既宦達自云本出雁門雁門人諂附者乃因薦皓於司徒請爲

肆州大中正詔特依許。北史恩幸傳

曇鸞大師雁門人年十四出家內外經籍及四論佛性彌極窮研讀大乘經詞義深密因為注解成疾周行醫療行至汾州城東門忽見天門洞開由是疾愈欲繼前作顧而言曰命危脆不常江南陶隱居者方術所歸遂往從之既達梁朝屈隱居所接對欣然授以仙方十卷還至江有鮑郎子神者一鼓湧浪七日師以情祈告帖然安靜達魏辭往名山依方修法後至潞州逢三藏菩提留支師請曰佛法中頗有長生不死法勝此土仙經者乎支即以觀經授之曰修此當解脫生死也師即受行調心鍊氣對病結緣流靡宏廣魏主重之號

代州志

記四 卷十二 雜記

三

為神鸞勅令往并州大寺晚移住石壁元中寺魏興和年卒卒之日天樂西來異香滿室因出調氣論又撰禮淨土十二偈續龍樹偈安樂集兩卷廣流於世仍自號為有魏元簡大士云。續高僧傳

梁簡文之生誌公謂武帝此子與寃家同年生其年侯景生

於雁門亂梁誅蕭氏略盡。朝野僉載梁書侯景傳景懷朔

寶誌曰掘尾狗子自發狂當死未死嚙人傷須臾之間自滅亡起自汝陰死三湘又曰山家小兒果攘臂太極殿前作虎視狗子景小字山家小兒猴狀景覆陷都邑毒害皇家起自懸瓠即昔之汝南巴陵有地名三湘景奔敗處其言皆驗

梁武帝殺南齊主東昏侯以取其位誅殺甚衆東昏侯死之日侯景生焉後亂梁破建業武帝禁而餓終簡文幽而壓死

誅梁子弟略無孑遺時人謂景是東昏侯之後身也同上

北齊初并州阿禿師者亦不知鄉土姓名所出爾朱未滅之前已在晉陽遊諸郡邑不居寺舍出入民間語謫必有徵驗每行市里人衆圍繞之因大呼以手指曾曰憐你百姓無所知不識并州阿禿師人遂以此名焉齊神武遷鄴之後以晉陽兵馬之地王業所基常鎮守并州時來鄴下所有軍國大事未出帷幄者禿師先於人衆間泄露末年執置城內遣人防守不聽輒出若其逸越罪及門司當日并州三門各有一禿師盪出徧執不能禁未幾有人從北州來云禿師四月八日於雁門郡市捨命郭下大家以香花送之埋於城外并州代州志

記四 卷十二 雜記 三

人怪笑此語謂之曰禿師四月八日從汾橋過東出一腳有鞋一腳徒跣但不知入何巷坊人皆見之何云雁門死也此人復往北州報語鄉邑衆共開家看之唯有一隻鞋耳廣古今五

行記

解脫和尚代郡邢氏子卯歲於臺山昭果寺披剃從抱腹山志昭禪師參學昭甚器之尋反昭果晝誦大乘夜則禪觀嘗於東臺麓見草衣比丘跣趺石上卽前叩首比丘指金蓮花解脫顧之卽失比丘久之復現半身語曰夫解脫者當求諸己而由人乎於是狂機頓歇深契大法普度垂五十餘年後

莫知所終清涼山志

唐法空隋末任雁門鷹擊郎將以隋室荒亂棄冠劍妻子獨詣清涼構茅深谷嘗誦華嚴惟心作佛之偈致力參究時寇盜交起府司追還繫禁乃正念跌坐不語不食者兩月守令驚愕因縱放之空至山隱三十餘載有異僧授般若奧旨將順世謂眾曰自被拘禁之後獲遇明師遂能爍破虛空今世緣已盡吾將往矣未幾而逝同上

唐業方者解脫和尚法孫貌古神奇嘗於中臺入定是日有人見在代州持鉢行乞太原信士數人送文殊像至山濤沱泛漲像不能渡師振錫前導水爲斷流眾人隨過水復湍激大厯元年於祕魔巖畔翹足而化州宰建塔瘞之一夕火光

代州志

記四 卷十二 雜記

三

燭天明且視之塔內了無一物異香數日乃歇同上

宋宣和八年夏代牧趙康弼巡檢董梁同真容院慈化大師等至那羅洞入窟行數步隘不能進既出見異僧立於洞口趙戲曰我徧遊洞底而來師何不入僧曰我能入一微塵遊沙界況此恢恢者乎卽躡身而入眾候於洞口數日不出惟所攜笠子存焉因建塔藏之今東臺有笠子塔同上

薩埵崖在祕魔巖之西古有代州王氏女逃此食薇飲露父母逼之女飛昇而去同上

北臺有令公塔宋代州刺史楊業殉節其子延朗收遺骸建塔於此同上

驍騎將軍王某者代郡人隋開皇末年出鎮蒲州性好畋獵所殺無數有五男無女後生一女端美見者皆愛憐之既還鄉里女年七歲一旦忽失所在皆疑鄰里戲藏匿之訪問不見諸兄馳馬遠尋去家三十餘里得於荒野中冥然無所識口中惟作兔鳴足上得荆棘盈掬月餘不食而死父母悲痛甚以爲畋獵殺害之報也後合家持齋不復食肉大理寺丞蔡宜明曾爲代州法曹親說之

冥報記

邱和隋代州刺史煬帝北巡和饋獻精腍至朔州而刺史楊廓無所進帝不悅詔廓視和爲式後帝過博陵和爲太守上食加豐愈喜由是所過競爲珍侈以獻自和發也

唐書邱和傳

代州志

記四 卷十二

雜記

三

唐代州西十餘里有大槐震雷所擊中裂數丈雷公夾於樹間吼如霆震時狄仁傑爲都督賓從往觀欲至其所衆皆披靡無敢進者仁傑單騎勁進迫而問之乃云樹有乖龍所由令我逐之落勢不堪爲樹所夾若相救者當厚報德仁傑命匠鋸破樹方得出其後吉凶必先報命

太平廣記

婁師德弟拜代州刺史將行謂之曰吾以不才位居宰相汝今又得州牧叨遽過分人所嫉也將何以全先人髮膚弟長跪曰自今後雖有人唾某面上某亦不敢言但拭之而已以此自勉庶不爲兄憂師德曰此適爲我憂也夫人唾汝者發怒也汝今拭之是惡其唾而拭是逆人怒也唾不拭將自乾

何如弟笑而受之。

國史異纂

代國公主適滎陽鄭萬鈞數年無子時有僧和和者如狂如愚衆號爲聖言事多中住大安寺修營殿閣和和常至公主家萬鈞請曰吾無嗣願得一子惟師降恩可得乎師曰遺我三千匹絹主當誕兩男萬鈞如言施之和和取絹付寺云修功德乃謂萬鈞曰主有娠矣吾令二天人下爲公主作兒又曰公主腹小能並娠二男乎吾當使同年而前後耳公主遂娠年初歲終各誕一子長曰潛曜少曰晦明皆美丈夫博通有識焉。紀聞錄

開元中代州都督以五臺多客僧恐妖僞事起非有住持者

代州志

記四

卷十二

雜記

三

悉逐之客僧懼多權竄山谷有法朗者深入雁門山幽澗之中有石洞容人出入朗多齋乾糧欲住此山遂尋洞入數百步漸闊至平地涉流水渡一岸日月甚明更行二里至草屋中有婦人並衣草葉容色端麗見僧懼愕問曰汝乃何人僧曰我也婦人笑曰甯有人形骸如此僧曰我事佛佛須擯落形骸如爾因問佛是何者僧具言之相顧笑曰語甚有理復問宗旨如何僧爲講金剛經稱善數四僧因問此處是何世界婦人云我自秦人隨蒙恬築長城恬多使婦人我等不勝其弊逃竄至此初食草根得以不死此來亦不知年歲不復至人間遂留僧以草根哺之澁不可食僧住四十餘日誓

辭出求食及至代州備糧更去則迷不知其所矣廣異記

郭仲翔宰相元振弟之子睿宗時元振託仲翔於姚州都督李蒙蒙表為判官時吳保安罷義安尉以仲翔里人也不介而見曰願因子得事李將軍可乎仲翔力薦之蒙表掌書記後蒙與蠻戰及仲翔被執蠻之俘華人必厚賣財乃肯贖聞仲翔貴冑也求千緡會元振物故保安留蜀州營贖仲翔苦無貲乃力居貨得緡七百妻子客遂州聞關求保安所在困姚州不能進都督揚安居知狀異其故資以行求保安得之引與語曰子棄妻子急朋友之患至此乎吾請貸官貲助子之乏保安大喜即委緡於蠻得仲翔以歸安居亦元振故吏

代州志 記四 卷十二 雜記 三

嘉保安之誼厚禮仲翔檄領近縣尉久乃調蔚州錄事參軍以優遷代州戶曹母喪服除喟然曰吾賴吳公生今親歿不行其志乃求保安於時保安以彭山丞客死其妻亦歿喪不克歸仲翔為服纓經囊其骨徒跣負之歸葬魏州廬墓二年乃去後為嵐州長史迎保安子為娶而讓以官唐書吳保安傳

雁門太守韋饌杜陵人父固少孤思早娶婦多歧求婚不成貞觀二年將遊清河旅次宋城南店客有以前清河司馬潘昉女為議者來且期於店西龍興寺門固以求之意切且往焉斜月尚明有老人倚巾囊坐於階上向月檢書視之不識其字固問曰老父所尋者何書固少小苦學字書無不識者

西國梵字亦能讀之。惟此書目所未覲。如何。老人笑曰。此非世間之書。君焉得見。固曰。然則何書也。曰。幽冥之書。固曰。幽冥之人。何以到此。曰。君行自早。非某不當來也。凡幽吏皆主人生之事。生人可不行其中乎。今道途之行。人鬼各半。自不辨耳。固曰。然則君何主。曰。天下之婚牘耳。固喜曰。固少孤。嘗願早娶。以廣後嗣。爾來十年。多方求之。竟不遂意。今者人有期。此與議潘司馬女。可以成乎。曰。未也。君之婦適三歲矣。年十七。當入君門。因問囊中何物。曰。赤繩子耳。以繫夫婦之足。及其坐。則雖讎敵之家。貴賤懸隔。天涯從宦。吳楚異鄉。終不可遺。君之腳已繫於彼矣。他求何益。曰。固妻安在其家何爲。

代州志

記四

卷十二

雜記

三

曰。此店北賣茶。家陳媪女耳。固曰。可見乎。曰。陳嘗抱之來賣。茶於是能隨我行。當示君。及明所期不至。老人卷書揭囊而行。固逐之入米市。有眇媪抱三歲女來。弊陋亦甚。老人指曰。此君之妻也。固怒曰。殺之可乎。老人曰。不可。此人命當食大祿。因子而食。庸可殺乎。老人遂隱。固磨一小刀付其奴曰。汝素稱事。能爲我殺彼女。賜汝萬錢。奴曰。諾。明日。裹刀入茶肆。中於眾中刺之而走。一市紛擾。奔走獲免。固問奴曰。所刺中否。曰。初刺其心。不幸才中眉間。爾後求婚終不遂。又十四年。以父蔭參相州君。刺史王泰。俾攝司戶掾。專鞠獄。以爲能。因妻以女。年可十六七。容色華麗。固稱愜之極。然其眉間常

貼一花鈿。雖沐浴間處未嘗暫去。歲餘固逼問之。妻潛然曰：妾郡守之猶子也，非其女也。疇昔父會宰宋城，終於官。時妾在襁褓，母兄次歿，唯一莊在宋城南，與乳母陳氏居店近。鬻蔬以給朝夕。陳氏憐小，不忍暫棄。三歲時抱行市中，為狂賊所刺，刀痕尚在。故以花子覆之。七八年間，叔從事盧龍，遂得在左右，以為女嫁君耳。固曰：陳氏眇乎，曰：然，何以知？固曰：所刺者固也，乃曰：奇也。因盡言之，相敬愈極。後生鯤為雁門太守，封太原郡太夫人，知陰騭之定不可變也。幽怪錄

李賀以歌詩謁韓吏部，時為國子博士分司，送客歸極困，門人呈卷解帶旋讀之。首篇雁門太守行曰：黑雲壓城城欲摧。

代州志

記四

卷十二

雜記

三

甲光向日金鱗開，卻授帶命邀之。

讀書偶見全詩角聲滿天秋色裏塞上胭脂夜凝

紫半捲紅旗臨易水霜重鼓寒聲不起報君黃金臺上意提攜玉龍為君死

晉陽東南二十里有臺，駘廟在汾水旁。元和中，王諤鎮河東，時有里民黨國清者，善建屋，一夕夢黑衣至門，謂國清曰：臺駘神召汝，隨之而去。出都門二十里，至廟，廟門外有吏卒數十，被甲執兵，羅列左右。國清恐悸，不敢進。使者曰：子無懼，已而入謁。見有兵士百餘人，傳導甚嚴。既再拜，臺駘神召國清升階，曰：吾廟宇墮漏，風日飄損，每天雨，即吾之衣裾几席，且霑溼。爾為吾塞其罅隙，無使有風雨之苦。國清曰：謹受命。於是博塗登廟舍，盡補其漏。既畢，神召黑衣者送國清，還去。廟

門西北而去。東行十里，忽聞傳呼之聲。使者與國清俱匿於道左。俄見百餘騎自北而南，執兵設辟者數十。有一人具冠冕，紫衣金佩，御白馬，儀狀魁偉。殿後者最眾。使者曰：磨笄山神也。以明日會食於李氏之門。今夕先謁吾君於廟耳。國清與使者俱入城門，忽覺日背微慘，以手搔之，悸然而寤。明日往臺駘廟中，見几中有屋壞泄雨之迹，視其屋果有補葺之處。及歸行未六七里，聞道西村堡中有簫鼓聲，因往謁焉。見設筵有巫者呼舞，乃醮神也。國清訊之曰：此李氏之居也。李存古嘗爲衙將，往年范司徒罪其慢法，以有軍功，故宥其死。擯於雁門郡。雁門有磨笄山神，存古嘗禱其廟，願得生還。近

代州志

記四 卷十二 雜記

三

者以赦獲歸，存古謂磨笄山神所佑，於是醮之，果與國清夢同也。河東記

有吳生者，江南人，嘗遊會稽，娶一劉氏女爲妾。後數年，吳生宰縣於雁門郡，與劉氏偕之官。劉氏初以柔婉聞，其後忽獷烈，自恃不可禁，往往有逆意者，卽發怒，毆婢僕，或齧其肌血，且甚而怒不可解。吳生始知劉氏悍戾，心稍外之。一日，吳生與雁門部將數輩獵於野，獲狐兔甚多，致庖舍下。明日，吳生出，劉氏卽潛入庖舍，取狐兔生噉之，且盡。吳生歸，因詰狐兔所在，而劉氏俛然不語。吳生怒，訊其婢，婢曰：劉氏食之盡矣。生始疑劉氏爲他怪，旬餘，有縣吏以一鹿獻吳生，命致於庭。

已而吳生給言將遠適。既出門，卽匿身潛伺之。見劉氏散髮袒肱，目眚盡裂，狀貌頓異，立庭中。左手執鹿，右手拔其脾而食。吳生大懼，仆地不能起。久之，乃召吏卒十數輩持兵杖而入。劉氏見吳生來，盡去襦袖，挺然立庭中。乃一夜，又耳目若電光，齒如戟刃，筋骨盤蹙，身盡青色。吏卒俱戰慄，不敢近。而夜叉四顧，若有所懼。僅食頃，忽東向而走。其勢甚疾，竟不知所在。宣室志

有石憲者，其籍編太原，以商爲業。常貨於代北。長慶二年夏，出雁門關行道中。時暑方盛，因偃大木下。忽夢一僧，蜂目被褐，衲其狀奇異。來憲前，謂憲曰：我廬於五臺山之南，有窮林

代州志

記四

卷十二

雜記

三

積水出塵俗甚遠。實羣僧清暑之地。檀越幸偕我而遊乎。卽不能吾見，檀越病熱且死，得無悔於心耶。憲以時暑方盛，僧且以禍福語相動，因謂僧曰：願與師偕去。於是其僧引憲西行，且數里。果有窮林積水，見羣僧在水中。憲怪而問之。僧曰：此元陰池，故我徒浴其中。且以蕩炎燠。於是引憲環池行，憲獨怪羣僧在水中。又其狀貌無一異者。已而天暮，有一僧曰：檀越可聽吾徒之梵音也。羣僧卽與水中合聲而譟。僅食頃，有一僧挈手曰：檀越與吾偕浴於元陰池，慎無畏。憲卽隨僧入池中。忽覺一身盡冷，噤而戰。由是驚寤，見己臥於大木下。衣盡溼而寒，慄且甚。時已日暮，卽抵村舍中。至明日病稍愈。

因行於道聞蛙鳴甚類羣僧之梵音於是徑往尋之窮林積水有蛙甚多其水果謂元陰池者其僧乃羣蛙耳憲曰此蛙能易形以感於人豈非怪尤者乎盡殺之同上

林景元者京兆人僑居雁門以騎射畋獵爲己任郡守悅其能因募爲衙門將嘗與其徒十數輩馳健馬執弓矢仗臂鷹牽犬俱騁於田野間得麋鹿狐兔甚多由是郡守縱其所往不使親吏事嘗一日畋於郡城之高岡忽起一兔榛莽中景元鞭馬逐之僅里餘兔匿一墓穴景元下馬卽命二卒守穴旁自解鞍而憩忽聞墓中有語者曰吾命土也剋土者木日次於乙辰居卯二木俱王吾其死乎已而咨嗟者久之又

代州志

記四 卷十二

雜記

美

日有自東而來者我將不免景元聞其語且異之因視穴中見一翁衣素衣髯白而長手執一軸書前有死鳥鵲甚多景元卽問之其人驚曰果然禍我者且至矣卽詬罵景元默而計之曰此穴甚小而翁居其中豈非鬼乎不然是盜而匿此卽毀其穴翁遂化爲老狐帖然俯地景元因射之而斃視其所執之書點畫甚異似梵書而非梵字用素縑爲幅僅數十尺景元焚之同上

代州民有一女其兄遠戍不在母與女獨居忽見菩薩乘雲而至謂母曰汝家甚善吾欲居之可速修理尋當來也村人競往處置適畢菩薩馭五色雲下其室村人供養甚眾仍敕

眾等不令有言恐四方信心往來不止村人以是相戒不說其事菩薩與女私通有娠經年其兄還菩薩云不欲見男子令母逐之兄不得至因傾財求道士久之有道士爲作法竊視菩薩是一老狐乃持刀入斫殺之廣異記

代郡界中一亭作怪不可止有諸生壯勇者暮行欲止宿亭吏止之諸生日我自能消此乃住宿食夜諸生前坐出一手吹五孔笛諸生笑謂鬼曰汝止有一手那得徧笛我爲汝吹來鬼云卿謂我少指耶乃復引手卽有數十指出諸生知其可擊因拔劍砍之得老雄雞幽明錄

乾符六年李鈞節制上黨鎮兵部將排隊於州前通衢率其

代州志 記四 卷十二 雜記 三

屬入衙展君臣之禮忽有暴風揚塵起自軍門而南蟠折行伍拔大旆十餘以登州人愕眙而顧沒於天際明日州北二十里大牛谷野人得旆以獻旆無完幅枝幹皆摺拉鈞由上黨統眾出雁門兵旣不戢暴殘居民遂爲猛虎軍所殺矣三水

後唐太祖在姪十三月而生載誕之夕母后甚危令族人市

藥於雁門遇神人教以率部人被介持旄擊鉦鼓躍馬大譟環所居三周而止果如教而生是時虹光燭室白氣充庭井水暴溢及能言喜道軍旅年十二三善騎射曾於新城北酌酒於毗沙門天王塑像請與交談天王被甲持矛隱隱出壁

問所居帳內時有火聚或有龍形人皆異之

北夢瑣言

後唐明宗皇帝微時隨蕃將李存信巡邊宿於雁門逆旅逆旅媪方姓帝至不時具食腹中兒語謂母曰天子至速宜具食聲聞於外媪異之遽起親奉庖爨敬事尤謹帝以媪前倨後恭詰之曰公貴不可言也問其故吳道娘子腹中語事帝曰老嫗遂言懼吾辱耳後果如言

同上

安重誨仕契丹為應州馬步軍都指揮使太平興國五年潘美出師禦寇重誨從其節度使蕭咄李迎戰於代州北嶺大敗美斬咄李擒重誨以獻太宗召見補鄧州馬步軍都指揮

使宋史安重誨傳

代州志

記四 卷十二 雜記

美

米信太宗時以功擢保順軍節度使族屬多在塞外其兄子全自朔州奮身來歸召見俾乘傳詣代州伺間迎致其親屬發勁卒護送之既而全宿留踰年邊境斥堠嚴竟不能致信慷慨歎曰吾聞忠孝不兩立方思以身殉國安能復顧親戚哉北望號慟戒子姪勿復言

宋史列傳

張承德明天文術淳化初為并代都部署嘗與僚佐會食有報遼兵寇州境者承德用太白萬勝訣占之語坐客曰彼雖以年月便利乘金而來反值歲星對逆兵家大忌必敗未幾折御卿捷報至眾始歎伏

宋史列傳

咸平中王嗣宗為并代都部署州境有臥龍王廟每窮冬合

境致祭。值風雪寒甚。老幼踣於道。嗣宗亟毀之。轉運使鄭文寶上其政績。有詔褒美。宋史列傳。

韓守英。開封祥符人。初爲入內高品。歷遷并代路兵馬鈐轄。契丹圍苛嵐軍。守英與鈐轄張志言。知府州折惟昌。帥所部渡河抵朔州。以牽賊勢。遂破狼水砦。俘數百人。獲牛馬鎧甲以數萬計。賊爲解去。賜錦袍金帶。遷鄜延路都鈐轄。徙并代路。建言本路宿兵多。百姓困於飛輓。今幸邊鄙無事。請留騎軍千餘人。悉徙內地。真宗曰。邊臣能體朝廷恤民之意。宜詔諸路視此行之。後爲延福宮使。入內都知。復提舉諸司庫務。

卒。宋史宦者傳。

代州志

記四

卷十二

雜記

三

神仙劉海蟾。以天聖九年遊歷名山。所至並有留迹。代州壽甯觀詩十韵云。醉走白驢來。倒提銅尾棗。引箇碧眼奴。擔著獨壺瘦。自言秦世事。家住葛洪井。不讀黃庭經。豈燒龍虎鼎。獨立都市中。不受俗人請。欲攜霹靂琴。去上芙蓉頂。吳牛買十角。谿田耕半頃。種秫釀白醪。便是仙家景。醉臥古松陰。閒立白雲嶺。要去即便去。直入秋霞影。仍自寫真其旁。撮襟書龜鶴齊壽四字。題云廣甯間。民劉操書。此詩宋白皞子西會次韵。子西於詩號爲專門。極力追之。曾不能彷彿。仙材凡筆。固自不同。世俗所傳劉翁入道詩。所謂予因太歲生燕地。十六早登甲科第者。吾知翁碧眼奴亦當羞道之矣。今全真家

推翁為祖翁之姓名鄉里且不能知况其道乎。元好問兩山行記

代州壽甯觀宋天聖中一楸樹老且枯矣海蟾子過州賣不

死藥三日不售投藥此樹中明年枯枝再茂人目為脫殼楸

白皤子西題詩云一粒丹砂妙有神能教枯木再生春仙翁

用意真難曉只度枯楸不度人。續夷堅志

闕道甯雁門人號休休子幼為釋已而學道養真於鳳凰山

之來儀觀年八十尸解。通志

劉妍代州姬得道尸解。集仙傳

成覺代州張氏子幼依善住院和希大德受業希授僧統加

號慈懿大師住清涼寺覺從諮決法要服勤三載希知其法

代州志 記四 卷十二 雜記 罕

器勉令參方覺聞明教嵩和尚名即往依焉朝夕諮決所疑

廓然有得辭歸五臺嵩曰吾道北矣至山學者日眾壽踰八

十而化。清涼山志

姚孝錫字仲純豐縣人政和四年登科調代州兵曹金兵入

雁門州將議以城降官屬恇怯投死無所仲純投牀大駟略

不以為意帥府就注五臺簿未幾移疾去因家五臺善治生

亭榭場圃富於遊觀賓客日盈其門州境歲饑出家所藏粟

萬石振貧乏多所全濟鄉人德之中年之後以家事付諸子

放浪山水間詩酒自娛醉軒其自號也資稟簡重喜怒不形

於色棄官時年二十九至八十三乃終名士大夫為詩以弔

者數十人。中州集

趙晦字光道管城人。宋末代州法曹。汴京破後不復仕。自號睡軒居士。宇文虛中以便事羈留平城。光道駕短轅下澤車。驅一僮二驢扶病以來相聚旬日而歸。虛中識以詩云。窮愁詩滿篋。孤憤氣填胸。脫身枳棘下。顧我雪窖中。竟日朋盍簪。論文一樽同。翻然南飛燕。卻背北歸鴻。人生悲與樂。倚伏如張弓。莫言竟憤憤。作書怨天公。同上

李克用墓在代州西十里。土人呼爲李王陵。金天眷初盜發之。守墳僧言之郡守。守夢王告云。吾墓中有酒盜飲之。唇皆黑。可用此捕之。明日獲盜。寺僧居其半。明一統志案原文誤入忻州

代州志

記四

卷十二

雜記

望

紹興庚子辛未之間。南北和好堅定。海陵未萌搏噬之意。邊關機密。去來不甚苛急。有代州人衛校尉者。從襄漢來。時楊和王爲殿前帥。曩在行伍中。與結義爲兄弟者。往投謁。一見楊驩如平生。仍事以兄禮。令夫人隨出拜。常招飲於堂。款曲殷勤。而不問其所向。兩月後忽寢疎之。衛雅意以楊方得路。志在一官。故百舍閒關赴之。至是大失望。棲泊過半年。疑爲人所譖。乃告辭。又不得通。或教使伺其入朝。回遮道陳狀。楊亦略不與語。判狀尾云。執就常州於本府某莊內支錢一百貫。衛愈不樂。又不識楊莊所在。正傍徨旅邸。適一客自云是程副將。謂之曰。無庸憂。我將往常潤。當陪君往。旣得錢。相從

三日因謂衛曰吾實欲遊中原君能扶我偕北否衛欣然許之迤邐抵長安入河東以至代郡備衛置田曰我欲作一窟於此衛使牙僧為尋置無何得膏腴千畝衛治具待程程亦報席久之乃言曰吾本無冀於斯此行盡出楊相公處分初慮公貪小利輕捨鄉里當今兵革不用非展奮功名之秋故遣我相隨為辦生計所買良田已悉作衛氏名敬以此相付於是悉取契券與之一笑而別其事甚類蘇秦舍人之資給

張儀也夷堅志湯運泰金源紀事詩衛校尉美未殿帥楊存中也存中也將將軍將星大不學循王錢眼坐尋常賞賜黃金千財虜那堪當一睡翩然故人襄漢來園亭水月為君開天人玉立內庭拜歡讌日醉玻璃杯增君錢常州庫置君田代州路粥米遙分向氏莊經營舊是蘇秦譜南朝將帥盡豪奢百萬錢緡用似沙瓦屋百間書萬卷江州只有岳翁翁

代州志 記四 卷十二 雜記 聖

秀容東甫雙堡王增壽號為外力善角觝人莫能敵泰和末官括駝增壽作詭計釘駝足令跛自羊頭村背負駝至代州州守信以為然增壽復負之而歸續夷堅志

道士楊谷字洞微代州人隱居華山為人儀觀秀偉道行卓絕平生未嘗與物忤通莊易世以莊子楊先生目之明昌間詔徵高道隸天長觀未幾還山其將歸也與知觀侯生食於市書數火字於食案又屬侯言昨過沃州聞君母病可速歸侯以假去及至沃州而母不病侯生諄語曰渠給我邪及北還天長已被焚矣又嘗與客遊崧山白龜泉上見一石鱉出客曰鱉橫行殆天性乎洞微曰此物固橫行恨不值正人耳

墮以手拈之。舉即正行。晚愛中方卜居之。中方舊無泉。苦於遠汲。洞微言山秀如此。不應無泉。乃齋沐致禱。筮之得吉。徵是時十月庵旁近葵花榮茂。洞微云於文章癸爲葵。此殆水徵也。與眾道士行尋之。見巽隅草樹間隱隱有微潤。掘之果得泉。可供數百指。然東隔絕澗。南限羣峰。石壁峻峭。幾百步不可越。洞微與弟子呂澤輩沿壁作棧道。以通往來。人以棧木易朽。慮有顛擠之患。乃就壁取石鑿竅嵌之。壘爲石梁。磴泉爲池。自是中方得水甚易。至今人目爲楊公泉。閒閒嘗爲作文記之。又言吾友潘若淨字清容。有道之士也。嘗從洞微遊。甚歎服之。云楊洞微當求之古人中耳。閒閒後過華州。追

代州志

記四

卷十二

雜記

三

懷洞微云前年曾就雲臺宿。知有先生在華山。今日白雲峰頂起。卻疑騎鶴下人間。其稱道如此。同上

宣政閒方士能化泥爲金。名金寶牌長三寸半。闊二寸半。文曰永鎮福地。代州天慶壽甯二處有之。天慶者今尙在承平時人傳玩。顯是泥所成。指文宛然。同上

貞祐二年豐州楊雲卿爲崞縣令。夏月暴雨過南關外。十餘里落羊頭一大如車轂。角上豎高三尺。以物怪申代州。州下軍資庫收聞之。朝。同上

馮丙翰延登字子駿。吉州人。汴京陷投井死。有集號橫溪翁。二代郡楊黻之與余同辰。月日時亦然。渠有詩因爲次韵。陰

陽疊疊定何如自信祥光先有模曾見唐生談躍馬豈知阮
籍哭窮途倦遊笑我衰髯白弄筆憐君醉裏烏便欲移書與
歐九略分餘論為噓枯中州集

元駙馬趙王某自稱晉王克用裔孫為置守冢數十戶於雁

門禁民樵牧姚燧河內李氏先德碣銘

薩天錫雁門人寓居武林性好遊瓢笠芒屨徧走兩山間至

得意處輒為詩歌以題詠之今兩山多有遺墨而西湖十景

詞尤膾炙人口竟莫知所終杭州府志

薩天錫送欣笑隱住龍翔寺詩有云地溼厭聞天竺雨月明

來聽景陽鐘虞伯生見之曰詩固佳但聞聽字意重薩後至

代州志 記四 卷十二 雜記 醫

南臺見馬伯庸亦如虞所云欲改之未得未幾以事至臨川

謁虞語及前詩伯生曰此易事唐人詩有云林下老僧來看

雨改作地溼厭看天竺雨音調差勝薩歎服拜為一字師嘉

堂外紀

薩天錫以宮詞得名其詩清新綺麗自成一家惟記事一首

直言時事不諱當年鐵馬遊沙漠萬里歸來會二龍周氏君

臣空守信漢家兄弟不相容祇知奉璽傳三讓豈料遊魂隨

九重天上武皇亦灑淚世間骨肉可相逢蓋泰定帝崩於上

都文帝自江陵入據大都大兄周王道在沙漠乃權攝位而

遣使迎之下詔四方云謹俟大兄之至以遂歸讓之心及周

王至迎見於上都歡宴畢至忽一夕暴卒復下詔云夫何相見之頃宮車弗駕加諡明宗文宗遂即真皆武宗子也故天錫末句云然歸田詩話

方谷珍盛時招延士大夫折節好文與中吳爭勝文人遺老

如林彬薩天錫咸往依焉列朝詩集薩龍光雁門集編注云顧俠君疑公集中無浙東往來

之作不知公未嘗依方氏幕下何從有往來之作考江南通志徽州府流寓載公登司空山太白臺歎曰此老真山水精

也遂結廬其下終焉是公未嘗遊方氏之門已有明證况明史文苑傳及瞿宗吉詩話載丁鶴年回回人方國珍據浙東

最忌色目人鶴年轉徙逃匿為童子師或寄僧舍賣漿自給公亦色目人其為方氏所忌又不待言錢氏好為謬說固不

足怪然此係公出處大節不可不辨

邊節感城人正德初以舉人知代州李夢陽為賦雁門太守

代州志 **記四** 卷十二 雜記 墨

行云雁門太守汝何人治邦三月稱神明我有牛羊賊不來

掠我有禾黍人不敢割昔我無衣今有袴著我思禮拜太守

太守不見憐但聞太守身姓邊紫髯廣額聳兩顴太守出門

四牡駢駢後擁阜蓋前道兩麾行者盡辟易居者不敢窺旁

問太守胡所之云訪城南皇甫規空同集

駙馬無封侯者樂城富陽永春西甯皆以軍功封惟永康公

主駙馬崔元以迎立封京山侯孝陵少公主駙馬趙暉天順

中求封侯不得鄭曉今言

郡主崔氏嫁進士王培齡培齡鄉甯人與弟與齡同嘉靖己

丑登第父錫爵時知冀州崔駙馬京山侯以使事過州躬贖

丑登第父錫爵時知冀州崔駙馬京山侯以使事過州躬贖

堂賀焉錫爵乃致書兩子令至京邸謁謝崔故喜交文士因留館邸中插架多異書兄弟約共讀之夜分諷詠不自禁聲琅琅徹戶庭爲公主所聞曰是少年新貴耶何嗜學若是召見詢家世甚悉言於崔以女妻培齡郡主明慧通筆札知大義甚有婦儀未幾培齡邁疾卒泣請於父母扶襯歸葬方起冢慟哭暈仆竟卒於墓所帝聞嘉悼賻賵有加命有司立祠祀之

鄉甯縣志

胡松涿州人嘉靖壬寅任山西督學使陳邊事十二條詔曰松所陳多出忠慮可擢參政備用三關松疏辭不允修營壘市戰馬募丁壯甫有序虜適大至提督不能備委罪松蓋松

代州志

記四 卷十二 雜記

吳

素不當分宜權相心又與御史有卻故御史力排松以快分宜遂削籍家居十五年起參政進都御史平江西賊終吏部尙書諡忠肅

周志

劉偉關中進士以御史出守楚郡一日忽尸解去家人以爲死矣嘉靖間賣藥於代病者求藥隨以丸應無不立瘳又善相人言未來事輒奇中代咸傳爲劉鬚子然實不知爲何許人會有商人過一見愕然曰此吾恩人劉太守也劉始佯爲不喻商人諦視長跪再拜曰某以某事繫獄公平反得釋劉度不可隱乃曰吾已出家矣戒令勿言翌日遁去越數載復有人遇之於金陵後不知所終

吳志

西陵董氏少玉麻城周宏禴之繼室也宏禴字元孚抗疏兩

道貶謫閒關萬里少玉皆共之貶雁門阨於靈邱廣昌間三

日不火食僮僕皆悲泣少玉哦詩自如年二十九羸卒嘗笑

謂元孚曰妾幸而為君婦稍知詩亦不幸而為君婦即有一

二佳句而人必以為出君手王元美序其詩稿列朝詩集少玉從夫赴

雁門詩雁門西近邊一片黃沙地烽火夜連天角聲入雲際風月盡悲悽草木多憔悴况是逐臣妻那能不灑淚

太原有李晉王像側坐調箭善避獨眼之謂後二武士擊鞞

簾一人唐巾玉帶拱立於前者莊宗也瓊笠佩劍立者明宗

也其一人懸椎而視者安敬孜也行纏而履示賤也冠虎示

服猛也傳亞子命工寫之時安已死念其勇也七頌堂識小錄黃叔琳

代州志

記四

卷十二

雜記

七

柏林寺觀李晉王畫像歌沙陀懷古趨僧舍駐馬柏林還看

畫素絹拂拭生輝光神威凜凜須眉張紅袍玉帶結束好唐

季英雄一目眇當年角立有朱三百戰千戈人易老國讎未

報留遺恨破碎山河安足問莊明帶劍左右立錦囊盛矢受

遺訓誰歎寫照妙入神李家父子俱天人鷹揚虎視空一世

經營慘澹傳其真千載留貽歸淨域世無別本須珍惜捲圖

四壁起陰風想象沙場萬人敵案說部載克用破黃巢後

勳名震世揚行密以不識面為恨潛遣畫工詣晉陽圖其貌

為晉人所獲克用怒其負己即召試使畫時方暑工畫克用

左手持扇微障其面克用曰是彰吾眇也欲殺之乃徐為射

圖以進云云今所傳之圖蓋即祖其意而為之者吳志謂明

武宗過代持像去今摹像留寺中考武宗幸太原未嘗過代

州或太原之像曾經進御然亦未持去公戴最精賞鑑所言

之像當是原卷也若柏林寺摹本今存二軸一絹一紙有乾

隆中州判武甲登跋謂絹本乃臨自太原者不為無徵而皆

出自俗工輾轉塗抹決非崑圍侍郎所賦之舊本矣吳志又

謂圖中虎冠者為李存孝不知存孝以叛逆為克

用車裂豈容與莊明並侍流俗謬傳不考殊甚

張夢椒字鹿洲為人英偉俊邁太原傅徵君山嘗稱其才官

陝西都司。天性愛客。一時名士爭依之。薦福寺集飲賦詩。馮爲盛事。富平李因篤跋云。公雁門世家。條風肆雅。有趨庭之故事。而四座郁然。率多布素。太史公云。信陵君不耻下交。所遊皆巖穴隱者。名冠諸侯。有以也。自駟鐵而推之。二南秦風。其有進乎。余被褐短窄。顛毛半華。且忘其醜。而樂與之。則諸賢可知矣。吳志

秀山令馮鄩妻李氏。靜樂人。損菴中丞之子婦也。中丞撫湖南日。有痰悶宿疾。發幾殆。藥不能進。李禱於神。急剖股投葠。湯中以進。湯渾渾異他日。詰之曰。橘紅耳。飲之。喉間頓利。痰咯出。升許。病漸瘳。李知書計。嫺禮節。初昏時。從夫之湖南。舟

代州志

記四

卷十二

雜記

吳

行溯大江。天嚴寒。每未明輒起。秉燭盥漱。正衣端坐。問其故。對曰。風濤不測。脫有虞。豈可蓬首耶。其明大義如此。而剖股

愈鼻疾。尤前未之間。

盧文弨李孺人傳

王氏。上元人。故宦裔。生甫能言。卽就父兄索解字義。授以毛詩。誦之琅琅無遺失。其叔父世遜守毘陵。偶感疾。時有女仙降。乩甚著靈異。從之禱焉。仙贈以詩云。湘水清且深。巫山望何高。春風吹江籬。微波蕩桂舸。中有彼美人。顏色若瓊瑤。高韻奏白雪。清聲揚碧霄。英皇共驂乘。與子同遊遨。後歸永豐。知州馮郁爲繼室。馮氏家傳

淮陽賀生曉霞者。故大同令某公子也。年少美丰姿。妙詞翰。

幼聘同里謝氏女。中表姻親也。中間兵燹流離。兩失音耗。賀以父虧帑無償。羈留雲中。近十稔矣。生疏脫不視家生產。貧益甚。因依雁門山僧爲居。停一日快雪初霽。有輿從多乘。至關秣馬。絆輪喧闐於外。賀詢之。知爲陝右李鎮軍也。俄一武士引官眷入寺。禪榻茶敘。侍婢數輩。中有一喚雪鴻者。年可十五六。尤端雅娟秀。少頃奉主命詣殿。然香賀心醉之。於其足蹟過處。以葦畫地。吟哦不已。鎮軍見而異之。遍視則書斷句云。纖纖滿地弓鞋印。好似飛鴻踏雪泥。鎮軍雖武夫。雅好文字。深憐其才。立談半晌。議論風生。益奇之。因呼婢出拜。舉以爲贈。曰。此十四字媒也。遂命戒後車。約赴幕府。賀遂謝不

代州志

記四

卷十二

雜記

晁

可強之。乃同行。定情夕。各敘里居家世。始悉女卽所聘謝氏子也。悲喜交集。不覺慟哭失聲。鎮軍聞之大喜。另爲諏吉。合卺。同僚各製詞爲賀。近聞賀已薦升太守矣。鎮軍老無子。賀夫婦事之甚謹。友人唐菊階與賀姻婭也。詳其事。爲譜雁門。雪傳奇以張之。余嘗謂牛渚月。馬當風。皆爲武人生色。並此可爲三矣。餘墨
偶談

代州志卷十二終

捐修姓氏

戶部郎中劉永吉捐錢伍百肆拾千 同知銜周琮捐錢叁百千 都司銜劉壁捐錢壹百捌拾千 都司銜王宓捐錢柒拾叁千 衛千總銜柳瑾捐錢伍拾千 貢生劉廷相捐錢肆拾千 附貢生王鋒捐錢叁拾貳千 試用知縣侯銘西 待詔銜安生財 府經歷銜劉創裕 貢生謝安 各捐錢叁拾千 附生郎崇學捐錢貳拾伍千 王百忍堂 鹽知事銜王承誥 從九劉致祥 議敘王承祐 各捐錢貳拾肆千 貢生王鴻禧 從九張達 各捐錢貳拾千 州同銜馮三重 李敦崇堂 各捐錢拾捌千 廩生郝延

代州志

捐修姓氏

一

封 六品頂戴董桂枝 待詔銜張存智 未入流趙搗謙 待詔銜柳恭 從九張福 趙三祝堂 貢生張大文 各捐錢拾伍千 武舉王侃 武舉高獻麟 廩生郎善化 府知事銜郎映辰 貢生喬誥 各捐錢拾貳千 張雙合堂 王仁善堂 附生李沛金 附生沈鵬山 貢生周步月 介賓賀秉誠 柳鳳城 各捐錢拾千 從九梁廷龍 監生劉慶德 從九侯鐸 各捐錢玖千 馮和順堂 議敘溫鴻 各捐錢捌千 卽用知縣李中和 議敘賈大謨 附生陸仕清 各捐錢陸千 中書科中書賈作楨 光祿寺署正賈作賓 翰林院孔目賈作舟 各捐錢壹

百貳拾五千 貢生劉廷玉捐錢壹百五拾千 議叙張步
雲捐錢

代州志

捐修姓氏

二

板藏文昌祠

承辦捐輸吏房經書李桂林

省城寶翰齋鐫板

